

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini („Službeni glasnik BiH“, br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju („Službeni glasnik BiH“, broj 2/05) i člana 49. stav (7) Pravilnika o licencama – prečišćeni tekst („Službeni glasnik BiH“, broj 63/16), Državna regulatorna komisija za električnu energiju, na sjednici održanoj 07. februara 2018. godine, donijela je

## **ODLUKU O NASTAVKU KORIŠTENJA LICENCE**

1. “Prvo plinarsko društvo”, *d.o.o.*, sa sjedištem u Sarajevu, u Ulici Tešanjaska 24a, vlasnik privremene licence za obavljanje djelatnosti međunarodne trgovine električnom energijom, registracijski broj: 05-28-12-125-17/16 od 28. juna 2016. godine, nastavlja sa korištenjem ranije dodijeljene privremene licence pod nazivom: *Erdal, d.o.o.*, sa sjedištem u Sarajevu, u Ulici Tešanjaska 24a, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u “Službenom glasniku BiH” i službenim glasilima entiteta.

### **Obrazloženje**

“Prvo plinarsko društvo”, *d.o.o.*, sa sjedištem u Sarajevu, u Ulici Tešanjaska 24a, vlasnik je privremene licence za obavljanje djelatnosti međunarodne trgovine električnom energijom koja mu je izdata Odlukom Državne regulatorne komisije za električnu energiju (u daljem tekstu: DERK), broj: 05-28-12-125-17/16 od 28. juna 2016. godine, na period od 01. jula 2016. godine do 30. juna 2018. godine.

Vlasnik privremene licence je aktom od 18. decembra 2017. godine, zavedenim pod brojem: 05-28-12-440-1/17 od 21. decembra 2017. godine, prijavio DERK-u promjenu osnivača i promjenu naziva društva, sa traženjem da se ovi podaci izmijene u službenim evidencijama.

Prijava izmijenjenih podataka potkrijepljena je i odgovarajućom dokumentacijom zavedenom pod brojem 05-28-12-440-2/17 od 9.1.2018. godine, te je uvidom u Rješenje o izmjenama podataka Općinskog suda u Sarajevu, broj: 065-0-Reg-17-005885 od 13. decembra 2017. godine, utvrđeno da su u sudski registar pomenutog Suda upisani podaci o novom osnivaču i novom nazivu društva.

Postupak registracije promijenjenih podataka o istom subjektu u odgovarajućem registru vlasnika dozvole za obavljanje djelatnosti snabdijevanja električnom energijom - dozvole II reda, u toku je kod Regulatorne komisije za energiju u Federaciji BiH.

Imajući u vidu da se, shodno Pravilniku o licencama, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je na osnovu člana 49. stav (7) Pravilnika o licencama donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-440-3/17  
07. februar 2018. godine

Tuzla

Predsjedavajući Komisije

Nikola Pejić